

Z A K O N

**O UTVRĐIVANJU I NAČINU IZMIRENJA NEIZMIRENIH OBAVEZA NASTALIH
PO OSNOVU ZAKONA O OSNOVAMA SOCIJALNE ZAŠTITE, ZAŠTITE
CIVILNIH ŽRTAVA RATA I ZAŠTITE PORODICE SA DJECOM**

Z A K O N
O UTVRĐIVANJU I NAČINU IZMIRENJA NEIZMIRENIH OBAVEZA NASTALIH PO
OSNOVU ZAKONA O OSNOVAMA SOCIJALNE ZAŠTITE, ZAŠTITE
CIVILNIH ŽRTAVA RATA I ZAŠTITE PORODICE SA DJECOM

Član 1.

Ovim zakonom utvrđuju se neizmirene obaveze Federacije Bosne i Hercegovine (u daljnjem tekstu: Federacija) nastale na osnovu Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, br. 36/99, 54/04, 39/06 i 14/09 – u daljnjem tekstu: Zakon o osnovama socijalne zaštite), kao i način njihovog izmirenja.

Član 2.

Neizmirene obaveze Federacije u iznosu od 19.669.724,31 KM utvrđene su na osnovu pravomoćnih rješenja kojima su podnosiocima zahtjeva - osobama sa invaliditetom priznata prava u skladu sa Zakonom o osnovama socijalne zaštite.

Iznos iz stava 1. ovog člana utvrđen je sa 31.10.2011. godine i izmirit će se u skladu sa ovim zakonom.

Član 3.

Federacija će u gotovinskom iznosu i u mjesečnim ratama, a najkasnije do 30.06.2012. godine izmiriti obaveze iz člana 2. ovog zakona. Izmirenje obaveza po ovom zakonu otpočet će od prvog narednog mjeseca od dana stupanja na snagu ovog zakona.

Izmirenje obaveza iz člana 2. ovog zakona realizirat će se do visine sredstava predviđenih na određenoj poziciji u budžetu Federacije za godinu u kojoj se vrši isplata, a u skladu sa zakonom kojim se uređuje izvršavanje budžeta Federacije.

Član 4.

Na obaveze iz člana 2. ovog zakona ne obračunavaju se kamate od dana nastanka do dana realizacije.

Član 5.

Sredstva iz člana 2. stav 1. ovog zakona planirat će se u okviru budžetske pozicije Federalnog ministarstva rada i socijalne politike (u daljnjem tekstu: Ministarstvo).

Izmirenje obaveza iz člana 2. ovog zakona vršit će Ministarstvo.

Član 6.

Ovaj zakon stupa na snagu osmog dana od dana objavljivanja u „Službenim novinama Federacije BiH“.

PREDSJEDAVAJUĆA
DOMA NARODA
PARLAMENTA FEDERACIJE BIH

Karolina Pavlović, prof.

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Dr. Denis Zvizdić